




# IROMAG

*Odlazni studenti*



by IROUNMO

U OVOM BROJU

**48. GODIŠNJICA  
UNIVERZITETA “DŽEMAL  
BIJEDIĆ” U MOSTARU  
DAN STUDENATA**

**TURNIR U STONOM  
TENISU**

**PREDSTAVLJENA  
IZDAVAČKA DJELATNOST  
UNIVERZITETA**

**PROMOCIJA NAUČNO  
– ISTRAŽIVAČKIH I  
MEĐUNAORDNIH  
PROJEKATA**

**TURNIR U STONOM  
TENISU**

Univerzitet “Džemal Bijedić” u Mostaru održao je svečanu manifestaciju u amfiteatru Fakulteta humanističkih nauka povodom obilježavanja 48. godišnjice svog postojanja i promocije novih doktora nauka.

Rektorica Univerziteta, prof. dr. Alena Huseinbegović, predstavila je tri kandidata sa doktorskog studijskog programa Evropskog prava na Pravnom fakultetu.

# 48. GODIŠNJICA UNIVERZITETA „DŽEMAL BIJEDIĆ” U MOSTARU

By IROUNMO

Svečani prijem za penzionisane zaposlenike upriličen je 10. februara u amfiteatru Ekonomskog fakulteta, a prisutnim se obratila rektorica Univerziteta „Džemal Bijedić“ u Mostaru prof. dr. Alena Huseinbegović.

Nakon obraćanja, rektorica Univerziteta uručila je zahvalnice i poklon bonove penzionisanim zaposlenicima Univerziteta, a u ime penzionisanih zaposlenika i dobitnika zahvalnica prisutnim se obratila akademik profesor emeritus Elbisa Ustamujić.

U okviru početka programa obilježavanja 48. godišnjice, menadžment Univerziteta položio je cvijeće na spomen-bistu Džemala Bijedića i spomen-obilježje Midhada Hujdura Hujke i saboraca, prisjećajući se njihovih historijskih uloga i značaja za Grad Mostar i Bosnu i Hercegovinu.

Nakon polaganja cvijeća, nastavljeno je druženje uz ručak sa penzionisanim zaposlenicima Univerziteta.

Aktivnosti koje su slijedile u okviru programa obilježavanja 48. godišnjice su promocija izdavačke djelatnosti i turnir u stonom tenisu za studente koji je bio održan u utorak, 11. februara; promocija naučno-istraživačkih i međunarodnih projekata u srijedu 12. februara; promocija doktora nauka u četvrtak, 13. februara. Svečana sjednica Senata Univerziteta „Džemal Bijedić“ u Mostaru je upriličena u petak 14. februara, dok je finalna aktivnost Svečana promocija i dodjela diploma održana u subotu, 15. februara 2025. godine.



# TURNIR U STONOM TENISU

By IROUNMO

Povodom obilježavanja 48. godišnjice Univerziteta “Džemal Bijedić” u Mostaru, u dvorani “Sport i zdravlje” na Nastavničkom fakultetu održan je turnir u stonom tenisu.

Turnir je otvorio prorektor za međunarodnu saradnju dr. sc. Rijad Novaković.

Turnir su organizovali Univerzitet “Džemal Bijedić” u Mostaru, Unija studenta Univerziteta “Džemal Bijedić” u Mostaru i Odsjek sport i zdravlje Nastavničkog fakulteta uz podršku BinBin BH d.o.o. Sarajevo.

Turnir je privukao veliki broj simpatizera ovog sporta uz lijepu atmosferu i takmičarski duh najbolji su osvojili i prigodne nagrade.

Prvo mjesto je osvojio Almir Popo, drugo mjesto Denis Kulak i treće mjesto Samed Žuškić.





# PREDSTAVLJENA IZDAVAČKA DJELATNOST UNIVERZITETA By IROUNMO

Povodom obilježavanja 48. godišnjice uspješnog rada i djelovanja Univerziteta "Džemal Bijedić" u Mostaru, na Nastavničkom fakultetu upriličena je prezentacija izdavačke djelatnosti Univerziteta u 2024. godini.

U okviru prezentacije izdavačke djelatnosti predstavljeno je 6 monografskih i 8 serijskih publikacija.

Univerzitet "Džemal Bijedić" u Mostaru osim obrazovne i naučno-istraživačke djelatnosti veliku pažnju poklanja i izdavačkoj djelatnosti kroz koju javnosti prezentira jedan dio naučno-istraživačkog rada.

Izdavačka djelatnost Univerziteta "Džemal Bijedić" u Mostaru ima dugu tradiciju, čak dužu od samog Univerziteta. Prva monografska publikacija objavljena je 1969. godine u izdanju Pedagoške akademije u Mostaru. Ukupan broja izdanja Univerziteta iznosi 411 publikacija, od čega je 9 serijskih koje broje 168 sveski, a u kojima su objavljena 2.283 naučna i stručna rada te prikaza.

Cjelokupna izdavačka djelatnost okupljena je Arhivskom zbirkom Univerzitetske biblioteke i prezentirana u online katalogu biblioteke. Sve serijske publikacije su obrađene i analitički, tj. bibliografski podaci o objavljenim radovima u njima dostupni su istraživačima u online katalogu Virtuelne biblioteke Bosne i Hercegovine, čija članica je i Univerzitetska biblioteka.

U 2023. godini, u okviru COBISS sistema završen je posao na izradi D-repozitorija Arhivske zbirke Univerzitetske biblioteke.

Trinaest publikovanim Bibliografijama u prošloj i ovoj godini prezentirane su monografske publikacije objavljene na Univerzitetu do 1991. godine, doktorske disertacije odbranjene na Univerzitetu od 1997. do 2023, te 1.173 naučna i stručna rada te prikaza objavljena u četiri časopisa iz društvenih nauka koje publikuju Pravni i Ekonomski fakultet Univerziteta.

U planu je izrada još dvije bibliografije. Jedna će okupiti monografske publikacije objavljene na Univerzitetu od 1992. do 2024, te druga koja će okupiti objavljene naučne i stručne radove te prikaze u preostalim pet serijskih publikacija Univerziteta: Istraživanja, Hercegovina, Slovo o, Eduka i Sportski logos.



# PROMOCIJA NAUČNO – ISTRAŽIVAČKIH I MEĐUNAORDNIH PROJEKATA

By IROUNMO

Manifestacija obilježavanja 48. godišnjice rada i razvoja Univerziteta “Džemal Bijedić” u Mostaru, nastavila se jučer u amfiteatru Mašinskog fakulteta kroz promociju naučno – istraživačkih i međunarodnih projekata koji su realizovani ali i onih koji su odobreni za realizaciju u toku 2024. godine. Na početku prisutnima se obratila prorektorica za nauku i naučno – istraživački rad doc. dr Amela Piralić. Prorektorica je naglasila značaj realizacije aktivnosti istraživačkih i naučno – istraživačkih projekata koji omogućavaju jačanje kapaciteta Univerziteta ali i jačanje konkurentne pozicije Univerziteteta u okruženju.

Promovisano je nekoliko projekata, uključujući SUNRISE, Horizon Europa IDEAL-IST2027, 5 COST akcija i 2 ERASMUS+ projekta, kao i nastavak projekta SmartWB. Ovi projekti imaju za cilj jačanje infrastrukture Univerziteta, razvoj obrazovanja i naučno-istraživačkog rada.

Također, Ministarstvo obrazovanja i nauke Federacije BiH podržalo je 9 naučno-istraživačkih projekata, a Ministarstvo civilnih poslova BiH predstavilo projekte u okviru Horizon Europa i bilateralne saradnje sa Slovenijom. Na kraju su predstavljani i projekti koje Univerzitet realizuje u saradnji s Ministarstvom privrede HNK, fokusirani na edukaciju CNC programera i malih i srednjih privrednika.



# SVEČANA PROMOCIJA I DODJELA DIPLOMA

By IROUNMO

Svečanom promocijom i dodjelom diploma u Sportskoj dvorani Sjeverni logor završen je program obilježavanja 48. godišnjice Univerziteta „Džemal Bijedić“ u Mostaru. Na svečanoj ceremoniji uručene su diplome za 489 diplomanta i to za 363 diplomanta na I i 123 diplomanta na II ciklusu studija. Ranije su promovisana i 3 doktora nauka.

Obraćajući se diplomantima, rektorica Univerziteta, prof. dr. Alena Huseinbegović, istaknula je važnost obrazovanja kao temelja za nacionalni i kulturni identitet, ali i ključnog faktora za osobni i društveni napredak. Naglasila je kako ulaganje u obrazovanje predstavlja najizvjesniji put ka boljoj budućnosti, stvarajući kompetentne i motivirane mlade ljude koji su sposobni odgovoriti na izazove tržišta rada i dinamične promjene u poslovnom svijetu. Uz čestitke svim diplomantima, rektorica je izrazila uvjerenje da će oni biti nositelji razvoja bh. društva i pokretači pozitivnih promjena.

Nakon njenog obraćanja, dekani i voditelji univerzitetskih studija su diplomantima uručili diplome.

Pored same ceremonije, tokom obilježavanja godišnjice organizirani su i brojni drugi događaji, uključujući prijem za penzionisane zaposlenike, polaganje cvijeća na spomen-bistu Džemala Bijedića i spomen-obilježje Midhada Hujdura Hujke, promociju naučno-istraživačkih projekata, te turnir u stonom tenisu. Na kraju, održana je i Svečana sjednica Senata Univerziteta.

Uz 48 godina tradicije, Univerzitet nastavlja s uspješnim obrazovnim radom, potvrđujući svoj status ključne institucije u obrazovanju i istraživačkoj djelatnosti u Bosni i Hercegovini.

# IROMAG



/iro.unmo



@iro.unmo



/iro.unmo

**IROMAG TEAM**  
MIRSADA BEHRAM  
LEJLA ŠKALJIĆ  
AMILA VRTIĆ  
HUSEIN MARIĆ

